

Šak ni državne institucije Niko ne zna koliko ljudi godišnje ode iz BiH

12/01/2010 11:48 by Administrator

Podatke o broju osoba koje odlaze iz BiH ne posjeduje nijedna institucija u BiH, jer je vrlo teško ustanoviti mehanizme za praćenje i prikupljanje takvih podataka, informacija je iz Ministarstva za ljudska prava i izbjeglice BiH saopštena za Sarajevo-x. Navedeno Ministarstvo trenutno prikuplja podatke o emigraciji iz BiH putem EUROSTAT-a i ti će

podaci biti objavljeni u prvoj polovini 2010. godine u okviru migracionog profila BiH.

Kako je za naš portal rekla Isma Stanić iz Ministarstva za ljudska prava i izbjeglice, prema njihovim podacima van BiH živi oko 1.350.000 bh. građana i građana koji su stekli državljanstvo neke od zemalja prijema.

Svjetska banka smatra da je ovaj broj veći i procjenjuje bh. emigraciju na 1.471.594 osoba ili 37,7 posto ukupne bh. populacije što BiH svrstava na drugo mjesto u svijetu po brojnosti emigranata u odnosu na ukupan broj stanovnika.

Najveći broj bh. iseljenika živi u evropskim zemljama, naročito zemljama EU (ukupno više 850.000 od toga u Njemačkoj 157.000, Austriji 132.000, Sloveniji 100.000, Švedskoj 75.000, Švicarskoj 50.000), SAD (oko 390.000), Kanadi (60.000) i Australiji (50.000).

Izvor vijesti: sarajevo-x